



ქალაქ თბილისის მუნიციპალიტეტის მთავრობა



განკარგულება - N 21.485.529

14 / აპრილი / 2021 წ.

**ქალაქ თბილისის მუნიციპალიტეტის არასამეწარმეო (არაკომერციული)
იურიდიული პირის „ქალაქ თბილისის გლდანი-ნაძალადევის კომპლექსური
სპორტული ცენტრისთვის“ (ს/ნ 400085572) თანხის გამოყოფის შესახებ**

საქართველოს ორგანული კანონის „ადგილობრივი თვითმმართველობის კოდექსის“ 106¹ მუხლის მე-6 პუნქტის, „ქალაქ თბილისის მუნიციპალიტეტის 2021 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2020 წლის 25 დეკემბრის N71-134 დადგენილებით დამტკიცებული ბიუჯეტის მე-13 და მე-14 მუხლების საფუძველზე და ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „ქალაქ თბილისის გლდანი-ნაძალადევის კომპლექსური სპორტული ცენტრის“ (ს/ნ 400085572) დირექტორის 2021 წლის 5 აპრილის N10/01210952612-19, 2021 წლის 5 აპრილის N10/01210952846-19, 2021 წლის 5 აპრილის N10/01210952769-19 და 2021 წლის 5 აპრილის N10/01210954553-19 განცხადებების გათვალისწინებით,

ქალაქ თბილისის მუნიციპალიტეტის მთავრობამ გადაწყვიტა:

1. ქალაქ თბილისის მუნიციპალიტეტის არასამეწარმეო (არაკომერციული) იურიდიულ პირს „ქალაქ თბილისის გლდანი-ნაძალადევის კომპლექსურ სპორტულ ცენტრს“ (ს/ნ 400085572) გამოეყოს:

ა) სტრუქტურული ერთეულების - გლდანის სპორტული კომპლექსის და ნაძალადევის სპორტული კომპლექსის წყლის საცირკულაციო ტუმბოების, ჰაერის საცირკულაციო ტუმბოების და საცურაო აუზის ფილტრის შესაძენად, სულ 19 848,60 (ცხრამეტი ათას რვაას ორმოცდარვა ლარი და სამოცი თეთრი) ლარი, ქალაქ თბილისის მუნიციპალიტეტის 2021 წლის ბიუჯეტის ქვეპროგრამით „სპორტული დაწესებულებების მატერიალურ-ტექნიკური ბაზის გაუმჯობესება და მშენებლობა“ (კოდი: 08 06 04) გათვალისწინებული ასიგნებებიდან;

ბ) სტრუქტურული ერთეულის - კულა გლდანელის ჭიდაობის დარბაზის იატაკის სარეაბილიტაციო-სარემონტო სამუშაოების ჩასატარებლად და სტრუქტურული ერთეულის - მუხიანის რაგბის კომპლექსის ჭიდაობის დარბაზის იატაკის მოსაწყობად, სულ 65 304,38 (სამოცდახუთი ათას სამას ოთხი ლარი და ოცდათვრამეტი თეთრი) ლარი, ქალაქ თბილისის მუნიციპალიტეტის 2021 წლის ბიუჯეტის ქვეპროგრამით „სპორტული დაწესებულებების მატერიალურ-ტექნიკური ბაზის გაუმჯობესება და მშენებლობა“ (კოდი: 08 06 04) გათვალისწინებული ასიგნებებიდან;

გ) სტრუქტურული ერთეულის - მუხიანის რაგბის კომპლექსის რაგბის კლუბი „ხვამლისთვის“ რაგბის სათამაშო ფორმების შესაძენად 16 800 (თექვსმეტი ათას რვაასი) ლარი, ქალაქ თბილისის მუნიციპალიტეტის 2021 წლის ბიუჯეტის ქვეპროგრამით „სპორტული ღონისძიებები“ (კოდი: 08 06 01) გათვალისწინებული ასიგნებებიდან;



დ) სტრუქტურული ერთეულის - მუხიანის რაგბის კომპლექსის რაგბის კლუბი „ხვამლისთვის“ სადაზღვევო მომსახურების შესაძენად 31 680 (ოცდათერთმეტი ათას ექვსას ოთხმოცი) ლარი, ქალაქ თბილისის მუნიციპალიტეტის 2021 წლის ბიუჯეტის ქვეპროგრამით „სპორტული ღონისძიებები“ (კოდი: 08 06 01) გათვალისწინებული ასიგნებებიდან.

2. დაევალოს ქალაქ თბილისის მუნიციპალიტეტის მერიის საფინანსო საქალაქო სამსახურს:

ა) უზრუნველყოს შესაბამისი ღონისძიებების გატარება და ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის მოთხოვნის შესაბამისად, განკარგულების პირველი პუნქტით გათვალისწინებული თანხების ბიუჯეტის მართვის ელექტრონულ სისტემაში ასახვა;

ბ) ქალაქ თბილისის მუნიციპალიტეტის 2022 წლის ბიუჯეტის პროექტში გაითვალისწინოს ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „ქალაქ თბილისის გლდანი-ნაძალადევის კომპლექსური სპორტული ცენტრის“ (ს/ნ 400085572) სტრუქტურული ერთეულის მუხიანის რაგბის კომპლექსის რაგბის კლუბი „ხვამლისთვის“ სადაზღვევო მომსახურების შესაძენად 15 840 (თხუთმეტი ათას რვაას ორმოცი) ლარი, ქვეპროგრამით „სპორტული ღონისძიებები“ (კოდი: 08 06 01) გათვალისწინებული ასიგნებების ფარგლებში.

3. კონტროლი განკარგულების შესრულებაზე დაევალოს ქალაქ თბილისის მუნიციპალიტეტის მერიის მოადგილეს ანდრია ბასილაიას.

4. ამ განკარგულების გასაჩივრება, დაინტერესებული მხარის მიერ, შესაძლებელია მისთვის განკარგულების გაცნობიდან ერთი თვის ვადაში, თბილისის საქალაქო სასამართლოში (მისამართი: ქ.თბილისი, დავით აღმაშენებლის ხეივანი N64), საქართველოს კანონმდებლობით დადგენილი წესით.

ქალაქ თბილისის მუნიციპალიტეტის მერი



კახა კალაძე